

## संदेसो | By Shital Chandak Sharma

आई भादि मावस आई  
उडीके है महामाई  
मेलो लगायो है महारानी  
टाबरिया के ताई  
सारे भक्ता के चाव सवायो है  
झुंझन वाली को संदेसो आयो है

कोई माँ की चुनरी ल्यावे  
कोई सोने को चुड़लो बनावे  
जगह जगह से माँ का टाबर  
धूम धाम से आवे  
भगता को मनडो घणो हरषायो है  
झुंझन वाली को संदेसो आयो है

टाबरिया मेहँदी ल्यावे  
ल्याके दादी के लगावे  
रकम रकम के फुलड़ा सु  
मैया को गजरो बणावे  
चाँद भी मैया के आगे शरमायो है  
झुंझन वाली को संदेसो आयो है

सारे जग की या धिराणी  
म्हारी मोटी सेटाणी  
भर भर लुटावे है भण्डारो  
जगदम्बे कल्याणी  
गोलू जो मांगयो मैया से पायो है  
झुंझन वाली को संदेसो आयो है

<https://bhaktivandana.com/lyrics/%e0%a4%b8%e0%a4%82%e0%a4%a6%e0%a5%87%e0%a4%b8%e0%a5%8b-by-shital-chandak-sharma/>